



burunen.ru

2023 оной
октябрийн 4
№39 (22444)

**Үе залгамжалан,
үхибүүдые хургана**
Багшын үдэртэ зорюулагдаһан
үзэсхэлэнһөө

7 ▶

**Уг изагуурай заяа
һүлдэнүүд**
Түрэлхи хэлээ мартан
зониие заяашануудын
хамгаалхаяа болидог

11 ▶

**Сорхогтани Бэкини
хатанай соло**
«Байгал» сэдхүүлдэ
толилогдоһоной удаа

24 ▶

Буряад ҮНЭН

Долоон хоног бүрийн ниитэ - улас түрын сонин

1921 онһоо хэблэгдэнэ



egov-buryatia.ru

БАХАРХАЛ ТҮРҮҮЛМЭ БААТАР

Оросой Герой Иван Калашников Буряад орондо бууба. Тэрэнэй нютагаа бусаһан ушараар Улаан-Удын Театральна талмай дээрэ сэрэгэй оркестрэй, уран найханай бүлгэмүүдэй, эдир армейцүүдэй хабаадалгатай тоглолто эмхидхэгдэбэ.

Мухар-Шэбэрэй аймагһаа уг гарбалтай Иван Калашниковта Оросой Холбоото Уласай Юрэнхылэгшын зарлигаар «Оросой Герой» гэһэн үндэр нэрэ зэргэ олгогдобо. Сентябрийн 29-дэ Иван Калашников гүрэнэй Юрэнхылэгшэтэй уулзалгада байгаад, сентябрийн 30-да гэртээ бусажа ерээ. Тэрэниие наһанайнь нүхэр хоёр хүбүүдээрээ, түрэлхидын, нүхэдын, нютагархидын утган абаба.

Буряад Уласай Засагай газарай Түрүүлэгшын уялга дүүргэжэ байһан Алдар Гулгенов баатар сэрэгшые амаршалан мэндэшлбэ.

- Хүндэтэ нютагаархид! Мүнөөдэр бидэ Оросой Герой Иван Николаевич Калашниковые хүндэлэн угтаабди. Сэрэгэй тусхай операцида хабаадажа, манай нютагай хэды олон хүбүүд баатаршалга гаргааб. Хүндэтэ Иван Николаевич, Мухар-Шэбэрһээ урган гараһан тандаа омогорголоо мэдүүлнэбди. Залуу хүрэгтэ, нэн түрүүн өөрынгөө хүбүүдтэ,

жэшээ харуулбат. Тандаа доро дохинобди. Бидэ илахабди! - гэжэ Алдар Гулгенов амаршалаа.

Иван Калашников 2023 оной мартын 31-дэ сэрэгэй албанда татагдаа һэн. Тэрэ 37-дохи амьарлагдаһан гвардейскэ мотострелково бригада ударидагшын орлогшоор алба гараа. Сэрэгэй тусхай операциин талмайнуудта Украинын сэрэгшэдтэй байлдаанда эрэлхэг зоригоо гэршэлээ. Байгша оной августын 22-то Урожайное гэжэ нууриной хажууда Иван Калашниковтай ударидаһан 37-дохи гвардейскэ бригадын табан сэрэгшэд арбан хоёр дайсадтай үзэлсөө. Дайсанай түрүүшын довтолго үрэггүй байба. Хүсэ шадалаа зангидажа, танк болон хоёр бронемашинаар тэдэ дахин довтолгодо оробо. Энэшые удаа манай хүбүүд сухаряагүй. Иван Калашниковта шархатаһан сэрэгшэдын гранатануудые дүтэлүүлжэ хамһалсаа. Тиигэжэ тэдэ ВСУ-гай сэрэгшэдэй тулга болоһон газар халгажа шадаа.

Иван Калашников уялгаяа дүүргээб гэжэ тоолоно, баатаршалга гаргажа шалгарааб гэжэ нэгэтэшые бодоногүй. Тэрэниие хүндэлэлгын баяр ёһололой үедэ нэн түрүүн сэрэгшэдтэ туһа хүргэһэн нютагархидтаа баяр хүргөө.

- Сайн байна, хүндэтэ нютагаархид! Сэрэгэй тусхай операцида ябаһан хүбүүдтээ арга шадалаараа туһалжа байхадатнай, ехэ баяртай байнаб. Саашадаа мүн лэ дэмжэжэ байхыетнай урыалнаб. Найн даа! - гэжэ Иван Калашников хэлэбэ.

Һануулан хэлэхэдэ, Буряад ороной олзын хэрэг эрхилэгшэд Оросой Герой Иван Калашниковта гурбан таһалгатай гэрэй түлхюур бэлэг болгон барюулаа.

Сэрэгэй тусхай операцида эрэлхэг зоригтойгоор хабаадажа, наһа бараһан Жаргал Гомбоевой түрэлхидтэнь Оросой Герой Алтан одо барюулгын баяр ёһолол мүн лэ эдэ үдэрнүүдтэ үнгэргэгдөө. Дэлгэрэнгы материал 12-до нюурта уншагты.

Янжима ДАРМАЕВА